

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON  
OPĆINSKI SUD U KONJICU

**VODIČ ZA PRISTUP INFORMACIJAMA  
U OPĆINSKOM SUDU U KONJICU**

Konjic, mart 2018. godine

Na osnovu člana 31. Zakona o sudovima u Federaciji BiH („Službene novine Federacije BiH“ broj 38/05, 22/06, 63/10, 72/10, 7/13 i 52/14), člana 21. Pravilnika o unutrašnjoj organizaciji i sistematizaciji radnih mjesta Općinskog suda u Konjicu, a u vezi sa članom 20. Zakona o slobodi pristupa informacijama u Federacije Bosne i Hercegovine („Službene novine Federacije BiH“ broj 32/01 i 48/11, u daljem tekstu: Zakon) i Uputstva za provođenje Zakona o slobodi pristupa informacijama u Federaciji BiH („Službene novine Federacije BiH broj 57/01), predsjednica Općinskog suda u Konjicu (u daljem tekstu: Sud) 7.3.2018. godine donosi i objavljuje

## **V O D I Č**

### **ZA PRISTUP INFORMACIJAMA U OPĆINSKOM SUD U KONJICU**

#### **OPŠTE ODREDBE**

##### **I**

#### Uvodni dio

Vodič za pristup informacijama pruža upute podnosiocima zahtjeva o ostvarivanja prava pristupa informacijama u skladu sa odredbama Zakona o slobodi pristupa informacijama u Federaciji Bosne i Hercegovina koje su u posjedu i pod kontrolom Općinskog suda u Konjicu (u daljem tekstu: Sud).

##### **II**

#### Adresa Suda i službenika za informisanje

Sud je dužan da u okviru svojih mogućnosti preduzme potrebne mjere pružanja pomoći fizičkim i pravnim licima koja traže da ostvare svoja prava u smislu Zakona.

Sjedište Suda nalazi se u Konjicu, Ulica Trg Državnosti broj 16. telefon 036/729-470, 725-155, fax 036/734-232 .

Službenik određen za informacije je sekretar Suda Mira Magazin telefonski broj 036/729-470 ili 036/725-155, e-mail adresa mira.magazin@pravosudje.ba

##### **III**

#### Podaci o vrsti informacija

Podaci o vrsti informacija koje su pod kontrolom ovoga Suda i obliku u kojem su informacije dostupne nalaze se u „Indeks registru“ Suda, a koji čini sastavni dio ovog Vodiča.

## **PRAVO PRISTUPA INFORMACIJAMA**

### **IV**

#### **Pravo pristupa**

Svako fizičko i pravno lice ima pravo na pristup informacijama koje su pod kontrolom ovog suda, a Sud ima odgovarajuću obavezu da te informacije i saopšti.

Pravo na pristup informacijama može biti ograničeno samo na način i pod uvjetima utvrđenim Zakonom.

Pravo pristupa ličnim informacijama ima samo fizičko lice na koje se informacije odnose.

## **OGRANIČENJE PRAVA PRISTUPA INFORMACIJAMA**

### **V**

#### **Utvrđivanje izuzetaka**

Sud može ograničiti pristup traženim informacijama i izuzet ih od saopštavanja, bilo djelomično ili u cjelini:

##### **1. Kada to zahtijevaju:**

- a. interesi odbrane i sigurnosti, kao i zaštita javne sigurnosti;
- b. sprječavanje kriminala i svako otkrivanje kriminala;
- c. zaštita tajnosti pretresa sa koje je isključena javnost;
- d. zaštita postupaka protiv maloljetnika u smislu odredaba ZKP F BiH;
- e. zaštita postupka za donošenje odluka u Sudu, uključujući davanje mišljenja, savjeta ili preporuka, bilo da se radi o osobi zaposlenoj u Sudu ili drugoj osobi koja radi za Sud ili u ime Suda, s time da to ne obuhvata činjenične, statističke, znanstvene ili tehničke informacije;
- f. interesi zaštite povjerljive komercijalne informacije i interesa treće strane;
- g. zaštita ličnih interesa koji se odnose na privatnost trećih lica u skladu sa Zakonom i Evropskoj konvenciji za zaštitu ljudskih prava i osnovnih sloboda ( član 8. Konvencije ).

2. Kada se utvrdi, nakon obavljenog ispitivanja javnog interesa u smislu člana 9. ovog Zakona, da saopštavanje informacije nije u javnom interesu.

## **ISPITIVANJE JAVNOG INTERESA**

### **VI**

Sud može saopštiti traženu informaciju bez obzira na izuzetke utvrđene članom 6., 7. ili 8. Zakona, odnosno prethodnim poglavljem ovoga Vodiča, ako je to opravdano javnim interesom.

Pri tome Sud će uzeti u obzir svaku korist i štetu koje mogu proisteći iz saopštavanja informacije, razmotrivši sve okolnosti, a naročito uključujući: svako nepoštivanje zakonske obaveze, postojanje bilo kakvog prestupa, nepravde, zloupotrebe vlasti ili nemara u

obavljanju službene dužnosti, neovlašteno korištenje javnih fondova, opasnosti po zdravlje ili sigurnosti pojedinca, javnosti ili okoline.

Ako se utvrdi da je saopštavanje tražene informacije koju je Sud utvrdio kao izuzetak u vezi sa povjerljivim komercijalnim informacijama ili izuzetak u zaštiti privatnosti u javnom interesu, Sud će rješenjem obavijestiti treću stranu da će informaciju saopštiti po isteku roka od 15 dana od dana prijema tog rješenja.

Pored prava na izjavljivanje žalbe predsjednici Suda, u roku od 15 dana od dana prijema gore navedenog rješenja, treća strana ima pravo obraćanja instituciji Ombudsmena BiH.

## **RAZDVAJANJE INFORMACIJE NA DIJELOVE**

### **VII**

Ukoliko je izuzetak utvrđen samo za dio tražene informacije, tada Sud izdvaja samo taj dio i saopštava ostatak informacije, izuzev ako bi uslijed ovog izdvajanja cijela informacija bila nerazumljiva.

## **POSTUPAK PRISTUPA INFORMACIJAMA**

### **VIII**

#### **Postupanje po zahtjevu za pristup informacijama**

Pravo na pristup informacijama iz nadležnosti ovog suda ostvaruje se podnošenjem zahtjeva koji mora biti sačinjen u pisanoj formi na jednom od službenih jezika u Federaciji Bosne i Hercegovine .

Zahtjev za pristup informacijama mora sadržavati :

1. Ime i prezime podnosioca zahtjeva, odnosno naziv organa ili pravnog lica;
2. Naznaku potpune adrese ili sjedišta podnosioca zahtjeva te broj telefona;
3. Dovoljno podataka o prirodi i / ili sadržaju informacije, kako bi se sa preciznošću i jasnoćom sadržaja zahtjeva omogućilo da Sud uz razuman napor obezbijedi traženu informaciju;

Zahtjev se podnosi neposredno ovom Sudu predajom u pisarnicu za prijem pismena, odnosno putem pošte na adresu Suda. Obrazac zahtjeva može se preuzeti u pisarnici Suda ili web stranici Suda [opsud-konjic.pravosudje.ba](http://opsud-konjic.pravosudje.ba)

Ako se zahtjev odnosi na ličnu informaciju, pored ispunjavanja uvjeta iz stava 1. i 2. ove tačke, može podnijeti samo fizičko lice na koju se taj zahtjev odnosi, njen zakonski zastupnik ili punomoćnik.

Lice na koju se informacija odnosi dužno je da svoj identitet potvrdi predočenjem lične karte ili druge isprave sa fotografijom. Ukoliko zahtjev podnosi zakonski zastupnik ili punomoćnik, uz zahtjev za pristup informacijama potrebno je priložiti dokaz o zakonskom zastupanju, odnosno punomoć, svojeručno potpisan obrazac zahtjeva, te predočiti svoju ličnu kartu ili drugi odgovarajući dokument kao i fotokopiju lične karte podnosioca zahtjeva. Službenik za pristup informacijama je dužan uvažavati i odredbe Zakona o zaštiti ličnih podataka („Službeni glasnik Bosne i Hercegovine“, broj 49/06 i 76/11), kao i drugih propisa.

Sud nije ovlašten da ispituje opravdanost ili da zahtjeva obrazloženje zahtjeva.

## IX

### Nemogućnost postupanja po zahtjevu

Ako zahtjev za pristup informacijama ne ispunjava jedan od uvjeta iz tačke VIII Vodiča, Sud će najkasnije u roku od osam dana, od dana prijema ovog zahtjeva, rješenjem obavijestiti podnosioca zahtjeva da zahtjev ne može biti obrađen iz navedenih razloga.

Protiv rješenje iz prethodnog stava može se izjaviti žalba predsjednici Suda, uz mogućnost obraćanja instituciji Ombudsmana BiH sa naznakom neophodnih podataka za kontaktiranje.

Podnosilac zahtjeva se rješenjem obavještava da će se njegov preinačeni zahtjev smatrati novim zahtjevom.

## X

### Nenadležnost Suda u postupanju

Ukoliko Sud primi zahtjev za koji nije nadležan, dužan je bez odlaganja, a najkasnije u roku od osam dana od dana prijema zahtjeva, dostaviti zahtjev nadležnom organu i o tome u pisanoj formi obavijestiti podnosioca zahtjeva odnosno nastaviti će postupak u skladu s odredbama članka 13. Zakona o slobodi pristupa informacijama u Federaciji BiH.

## XI

### Način pristupa informacijama i troškovi umnožavanja

Način pristupa informacijama može biti :

1. Lični pristup informaciji u prostorijama Suda;
2. Slanje informacije na adresu podnosioca zahtjeva, ukoliko ne prelazi deset standardnih stranica A4 formata;
3. Umnožavanje tražene informacije uz naknadu, ako informacija prelazi deset standardnih stranica A4 formata;

U slučajevima kada se odobrava pristup informaciji, Sud ne naplaćuje naknadu ili taksu za podneseni zahtjev, rješenje ili obavještenje.

Naknada se naplaćuje samo za traženu uslugu umnožavanja, i to: 0,50 KM za svaku stranicu standardne veličine koja prelazi 10 (deset) prvih besplatnih stranica i 5,00 KM po CD za elektronsku dokumentaciju .

Naplaćivanje naknade je propisano Uputstvom za provođenje Zakona o slobodi pristupa informacijama u Federaciji Bosne i Hercegovine („Službene novine Federacije BiH“ broj 57/01)

## XII

### Odlučivanje po zahtjevu za pristup informacijama

Sud može u cijelosti ili djelomično odobriti pristup traženoj informaciji, odnosno u cijelosti ili djelomično odbiti pristup traženoj informaciji, o čemu rješenjem obavještava podnosioca zahtjeva što je moguće prije, a najkasnije 15 dana od dana prijema zahtjeva.

Rok može biti i produžen za dodatnih 15 dana:

- ukoliko je prethodno potrebno dobiti izjašnjenje treće strane o saglasnosti za objavljivanje informacije koja sadrži povjerljive komercijalne interese treće strane ili lične interese koji se odnose na privatnost trećeg lica;
- ukoliko je Sud dužan obavijestiti treću stranu da će, zbog postojanja javnog interesa, ipak saopštiti informaciju koja je zakonom utvrđena kao izuzetak od saopštavanja.

### XIII

#### Odobranje za pristupu informacijama

Ukoliko Sud odobri pristup traženoj informaciji u cijelosti ili djelomično, o tome će se podnosilac zahtjeva obavijestiti rješenjem, kao i o načinu na koji može pristupiti traženoj informaciji.

Informaciji se može pristupiti:

- Obavještenjem o mogućnosti neposredno-ličnim uvidom u informaciju u prostorijama Suda,
- Obavještenjem o mogućnosti umnožavanja informacije i o troškovima umnožavanja, uz naznaku da se umnožavanje informacije omogućava nakon izvršene uplate troškova. Informacija se dostavlja podnosiocu zahtjeva u najkraćem mogućem roku, zavisno od obima materijala koji se umnožava, a najkasnije u roku od 8 dana od dana dostavljanja dokaza o izvršenoj uplati.

3. Umnožavanjem informacije i njenim dostavljanjem na adresu navedenu u zahtjevu za pristup informacijama, ukoliko ne prelazi prvih 10 standardnih stranica A4 formata.

### XIV

#### Odbijanje zahtjeva za pristup informacijama

Ukoliko Sud odbije zahtjev za pristup informacijama u cijelosti ili djelomično, rješenjem će obavijestiti podnosioca zahtjeva o tome, navodeći razloge za odbijanje pristupa informaciji i zakonski osnov za izuzeće od pristupa informaciji, uključujući sva materijalna pitanja važna za ovakvu odluku kao i procjenu faktora javnog interesa, te uputu o pravu na podnošenje prigovora, naznaku i adresu kome se prigovor podnosi, rok i troškove za podnošenje prigovora.

U tom slučaju može:

- na rješenje Suda doneseno u prvostepenom postupku uložiti prigovor predsjednici Suda u roku od 8 dana od dana prijema rješenja;
- Rješenje doneseno po prigovoru je konačno u upravnom postupku i protiv njega se može pokrenuti upravni spor kod nadležnog suda
- obratiti se Ombudsmenu za ljudska prava BiH (može se dostaviti u bilo kojoj fazi postupka za pristup informacijama) na sljedeću kontakt adresu:

#### **Banja Luka**

Sjedište institucije

Akademika Jovana Surutke broj 13

78000 Banja Luka, Bosna i Hercegovina

Tel/fax:+387 52 303 902

bl.ombudsmen@ombudsmen.gov.ba

## **Sarajevo**

Područni ured  
Grbavička broj 4  
71000 Sarajevo, Bosna i Hercegovina  
Tel:+387 33 666 006  
fax:+387 33 666 007  
info@ombudsmen.gov.ba

## **Mostar**

Područni ured  
Kneza Višeslava b.b.  
88000 Mostar  
Tel:+387 36 334 248  
fax:+387 36 333 249  
mo.ombudsmen@ombudsmen.gov.ba

## **XV**

Rješenja iz tačke VIII i XIV ovog Vodiča dostavljaju se podnosiocima zahtjeva najkasnije u roku od 15 dana od dana podnošenja, osim u slučajevima kada je potrebno prethodno dobiti izjašnjenje treće strane o saopštenju povjerljivih komercijalnih informacija, odnosno informacije koje se odnose na privatnost trećeg lica.

## **ZAVRŠNE ODREDBE**

## **XVI**

Ovaj Vodič za pristup informacijama stupa na snagu danom donošenja.

Danom stupanje na snagu ovog Vodiča, prestaje da važi Vodič za pristup informacijama Općinskog suda u Konjicu broj: 056-Su-07-000458 od 20.03.2007. godine.



Broj: 56 Su 0 060863 18 Su  
Konjic, 7.3.2018. godine